

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Nezavisni odbor
Broj:01-04-556-40/21
Sarajevo, 22.06.2021. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2021. godine - dostavlja se

Nezavisni odbor na sjednici održanoj dana 08.06.2021. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2021. godine, a u skladu s članom 45. st.5. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20), isti dostavlja Skupštini Kantona Sarajevo, informativno

PREDSJEDNIK

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", br. 23/16, 39/19 i 48/20), Nezavisni odbor Skupštini Kantona Sarajevo dostavlja:

IZVJEŠTAJ

o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2021. godine

Putem podnesenog izvještaja od policijskog komesara Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), Nezavisni odbor Skupštine Kantona Sarajevo je obaviješten da je isti tokom vremenskog perioda **januar – mart 2021. godine**, preduzimao sljedeće mjere i radnje:

- a) Predstavljao Upravu policije neposrednim učešćem i radnim angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama, medijima i to kako slijedi:
- 05.01.2021. godine, u prostorijama Uprave policije, održao sastanak sa savjetnikom za borbu protiv korupcije gosp. Larson Erikom, na temu “Borba protiv korupcije u Kantonu Sarajevo”;
 - 11.01.2021. godine u prostorijama Ministarstva unutrašnjih poslova Kantona Sarajevo, održao sastanak sa ministrom unutrašnjih poslova o pitanjima u vezi budžeta;
 - 12.01.2021. godine, u prostorijama Vlade Kantona Sarajevo, održao sastanak sa Predsjedavajućim Skupštine Kantona Sarajevo i Ministrom unutrašnjih poslova Kantona Sarajevo, na temu obezbjeđivanja optimalnih uslova i pretpostavki za rad i djelovanje ovog resornog ministarstva i Uprave policije;
 - 12.01.2021. godine prisustvovao sjednici Komisije za sigurnost Skupštine Kantona Sarajevo;
 - 19.01.2021. godine, u prostorijama Uprave policije, održao sastanak sa članovima radne grupe za izradu podzakonskih akata sukladno Zakonu o unutrašnjim poslovima i Zakonu o policijskim službenicima;
 - 19.01.2021. godine prisustvovao sjednici Nezavisnog odbora;
 - 20.01.2021. godine, u prostorijama Ministarstva unutrašnjih poslova, prisustvovao svečanom činu polaganja zakletve državnih službenika;
 - 25.01.2021, godine, u prostorijama Uprave policije, održao sastanak sa ministricom pravde Kantona Sarajevo i ministrom unutrašnjih poslova Kantona Sarajevo, u vezi aktuelnih pitanja;
 - 25. i 26.01.2021. godine prisustvovao sastanku direktora Federalne uprave policije sa komesarima kantonalnih uprava policije;
 - 27.01.2021. godine, u prostorijama Vlade Kantona Sarajevo, održao sastanak sa Premijerom Vlade Kantona Sarajevo, na temu izgradnje zgrade Uprave policije;
 - 29.01.2021. godine, u prostorijama Ministarstva unutrašnjih poslova, primio pismenu zahvalnicu od Šefa misije u BiH Međunarodne organizacije za migracije (IOM), a povodom policijske intervencije tokom incidenta u privremeno-prihvatnom centru Blažuj od 20.01.2021.godine, te asistencije pružene uposlenicima Međunarodne organizacije za migracije (IOM);
 - 29.01.2021. godine, u prostorijama Ministarstva unutrašnjih poslova Kantona Sarajevo, prisustvovao sjednici stručnog kolegija Ministarstva;
 - 01.02.2021. godine, u prostorijama Uprave policije, održao sastanak sa načelnikom Uprave za organizovani i teški kriminalitet Ministarstva unutrašnjih poslova Republike Srpske i zamjenikom istog;



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- 02.02.2021. godine, u prostorijama Općine Ilidža, održao sastanak sa Načelnikom općine Ilidža, na temu sigurnosne situacije na području Ilidže i prisustva većeg broja migranata;
 - 03.02.2021.godine, u prostorijama Policijske uprave Istočno Sarajevo, sa saradnicima održao sastanak sa Načelnikom Policijske uprave Istočno Sarajevo, na temu međusobne saradnje;
 - 15.02.2020. godine, u prostorijama Uprave policije, skupa sa ministrom unutrašnjih poslova Kantona Sarajevo, održao sastanak sa Šefom misije u BiH Međunarodne organizacije za migracije (IOM), na temu implementacije zaključaka Vlade i Skupštine Kantona Sarajevo u vezi s migrantskom krizom;
 - 15.02.2021. godine, u prostorijama Uprave policije, održao sastanak sa ministricom pravde Kantona Sarajevo;
 - 16.02.2021. godine, održao sastanak sa predstavnikom OHR-a, gosp. Haner, na temu aktuelne problematike;
 - 17.02.2021. godine, u prostorijama Općinskog suda u Sarajevu, zajedno sa ministrom unutrašnjih poslova, održao sastanak sa predsjednicom Općinskog suda u Sarajevu, na temu aktuelne problematike;
 - 17.02.2021.godine prisustvovao sjednici Nezavisnog odbora;
 - 22.02.2021. godine, u prostorijama Vlade Kantona Sarajevo, prisustvovao hitnoj sjednici Vlade Kantona;
 - 23.02.2021. godine, u prostorijama Federalne uprave policije, održao sastanak sa direktorom Federalne uprave policije;
 - 24.02.2021. godine, u prostorijama Fakulteta za kriminalističke nauke, održao sastanak sa predstavnicima navedenog fakulteta, na osnovu prethodno potpisanih „Memoranduma o razumijevanju” i „Sporazuma o saradnji“ između dvije institucije, a s ciljem operacionalizacije određenih, specifičnih oblika saradnje;
 - 25.02.2021. godine prisustvovao sjednici Komisije za sigurnost Skupštine Kantona Sarajevo;
 - 26.02.2021. godine, u prostorijama Ambasade SAD, predstavljao Upravu policije prilikom uručanju donacije Upravi policije;
 - 26.02.2021. godine održao radni sastanak sa g-dinom Stephenom Glaserom, direktorom INL-a – Odjela Vlade SAD-a za borbu protiv međunarodne trgovine narkoticima i provođenje zakona, povodom trenutne sigurnosne situacije na području Kantona Sarajevo, te problema i izazova sa kojima se susreću pripadnici Uprave policije prilikom izvršavanja svakodnevnih poslova i zadataka;
 - 04.03.2021. godine, u prostorijama Vlade Kantona Sarajevo, prisustvovao sjednici Vlade Kantona Sarajevo;
 - 09.03.2021. godine, u prostorijama Uprave policije, održao sastanak sa zamjenicom pravobranioca Kantona Sarajevo;
 - 10.03.2021. godine, u prostorijama Ambasade SAD, održao sastanak sa ambasadorom SAD u Bosni i Hercegovini, g-dinom Nj. E. Erik Nelson, kojom prilikom mu je uručena zahvalnica - priznanje za predan i posvećen rad, te vođstvo u međuagencijskoj saradnji u slučajevima krivičnih istraga koje su direktno uticale na poboljšanje stanja sigurnosti cijele zemlje i njenih stanovnika.
 - Napominje da se od 22.03.2021. do 13.04.2021. godine nalazio na bolovanju usljed zaraze virusom COVID 19.
- b) Sve mjere i radnje preduzimao je uvažavajući prioritete date od strane Vlade Kantona Sarajevo i Komisije za sigurnost Skupštine Kantona Sarajevo, te smatra da je ostvario odličnu saradnju sa ministrom, Jusko Ismirom.



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax:+ 387 (0) 33 562-210
 Sarajevo, Reisa Džemaludina Čauševića 1



- c) Tokom izvještajnog perioda, prema navodima iz dostavljenog izvještaja, ažurno, prema planiranoj i datoj dinamici u oblasti upravnog rješavanja, donosio je odluke (rješenja i dr.) koje se odnose na rješavanje radno-pravnog statusa uposlenika.

U izvještajnom periodu januar - mart 2021. godine, naložio je kontinuirano provođenje aktivnosti na ažuriranju staža osiguranja za sve zaposlenike Uprave policije MUP-a Kantona Sarajevo, sa posebnim akcentom na zaposlenike koji bi tokom 2021., 2022. i 2023. godine trebali ispuniti uslov za penzionisanje, te je s tim u vezi vršio pismenu korespondenciju sa FZPIO, Fondom PIO RS-a i uposlenicima Uprave policije.

Nakon izvršenih izmjena i dopuna modula kadrovskih evidencija za sve zaposlenike Uprave policije MUP-a Kantona Sarajevo (elektronska baza podataka), naložio je poduzimanje aktivnosti i na skeniranju dokumentacije koja se nalazi u personalnom dosjeu.

U skladu sa Odlukom o registru imenovanih lica u Kantonu Sarajevo i Odlukom o registru zaposlenih lica u Kantonu Sarajevo, naložio je redovno i kontinuirano ažuriranje podataka u navedene Registre, a sve u saradnji sa Uredom za borbu protiv korupcije i upravljanje kvalitetom Kantona Sarajevo.

Također, ispred Uprave policije MUP-a Kantona Sarajevo, odredio je tri zaposlenika Odjeljenja za pravne, kadrovske, logističke poslove i edukaciju, koji će kao ovlaštene osobe imati pristup podacima i vršiti ažuriranje podataka u Registar zaposlenih u organima državne službe Federacije Bosne i Hercegovine, kantona, grada i općine, te drugim organima i službama.

U izvještajnom periodu naložio je analizu propisa, podzakonskih akata, uputstava i instrukcija, te pripremu inicijativa za izmjene i dopune istih, kao i sačinjavanje Prijedlog izmjena i dopuna Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, te Prijedlog izmjena i dopuna Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija u saradnji sa predstavnicima MUP-a Kantona Sarajevo.

- d) U izvještajnom periodu, nastavio je na provođenju normativnih aktivnosti za koje je ovlašten u dva oblika: donošenje propisa po osnovu izričite zakonske odredbe ili dostavljanjem ministru nacrtu i prijedloga propisa ili izmjena i dopuna propisa iz djelokruga rada Uprave policije (član 23. stav (3), tačka d) Zakona).

U navedenom periodu, policijski komesar navodi da je normativne aktivnosti koje su u nadležnosti policijskog komesara i Uprave policije u izvještajnom periodu bile determinirane nizom drugih aktivnosti koje je provodila Uprava policije usljed pandemije izazvane virusom COVID 19, kao i migrantskom krizom, odnosno boravkom većeg broja migranata na području Kantona Sarajevo, što je pred Upravu policije postavljalo svakodnevne izazove, tako što je pored velikog obima redovnih poslova i zadataka zahtijevalo i dodatno angažovanje u pogledu vršenja kontrole i provođenja naredbi, odluka, zaključaka i preporuka nadležnih organa.

Tokom izvještajnog perioda januar - mart 2021. godine proaktivno je djelovao i intenzivirao aktivnosti radne grupe na sačinjavanju i predlaganju donošenja određenih provedbenih propisa po prioritetima, a naročito sljedećih propisa:

- Prijedlog Pravilnika o izmjenama Pravilnika o načinu i postupku upotrebe i pravdanja sile;
- Prijedlog Pravilnika o izmjeni i dopunama Pravilnika o načinu držanja i nošenja oružja i municije, vrstama naoružanja i municije, opreme i posebne opreme policijskih službenika Uprave policije Ministarstva unutrašnjih poslova Kantona Sarajevo;
- Prijedlog Pravilnika o izmjenama i dopunama Pravilnika o stručnom usavršavanju policijskih službenika Uprave policije Ministarstva unutrašnjih poslova Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Navedeni Pravilnici su nakon donošenja objavljeni u “Službenim novinama Kantona Sarajevo”.

Naložio je analizu Uredbe u slučaju prekobrojnosti policijskih službenika Uprave policije Ministarstva unutrašnjih poslova Kantona Sarajevo, Uredbe o tekstu i načinu polaganja zakletve policijskih službenika Uprave policije Ministarstva unutrašnjih poslova Kantona Sarajevo i Pravilnika o načinu obrade i rukovanja tajnim podacima u Ministarstvu unutrašnjih poslova Kantona Sarajevo, te tom prilikom utvrdio da navedeni propisi ne zahtijevaju bilo kakvu intervenciju u pogledu sadržine teksta u odnosu na prijedlog izmjena i dopuna Zakona o policijskim službenicima Kantona Sarajevo, o čemu je pismenim putem izvjestio ministra unutrašnjih poslova Kantona Sarajevo.

- e) U izvještajnom periodu januar–mart 2021. godine, policijski komesar navodi da je blagovremeno i zakonito odlučivao o svim pravima, obavezama i odgovornostima iz radnih odnosa policijskih službenika, državnih službenika i namještenika, a statistički konkretni podaci prezentirani su u okviru tačke c) ovog izvještaja. Svakodnevno je vršio raspored poslova na organizacione jedinice Uprave policije i vršio je kontrolu svih akata koji se upućuju na potpis policijskom komesaru, a shodno djelokrugu rada Uprave policije.
- f) Donio je 3 rješenja o izricanju disciplinske sankcije za lakšu povredu službene dužnosti.
- g) U izvještajnom periodu, shodno usvojenom budžetu, u dijelu koji se odnosi na Upravu policije, preduzimao je potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo.
- h) U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), Kabinetu ministra Ministarstva unutrašnjih poslova Kantona Sarajevo upućivao je potrebne akte (zahtjev za dodjelu nedostajućih sredstava iz Budžeta Kantona Sarajevo za 2021. godinu, obrazloženje za pozicije koje se odnose na nabavku stalnih sredstava iz Nacrta Budžeta Kantona Sarajevo za 2021. godinu, Obrazac Z1 – tromjesečni finansijski plan, odgovor u vezi sa prenosom vlasništva opreme, godišnji izvještaj o funkcionisanju sistema finansijskog upravljanja i kontrole (GI FUK) za 2020. godinu, procjena potrebnih budžetskih sredstava za potrebe kreiranja Dokumenta okvirnog budžeta (DOB) za period 2022.-2024. godina, a koja se odnosi na rekonstrukciju, investiciono i tekuće održavanje objekata.

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), Ministarstvu finansija Kantona Sarajevo uputio je potrebne akte (zahtjev za razgraničenje sredstava, neutrošenih u 2020. godini po osnovu primljenog transfera od Općine Novi Grad iz 2019. godine u 2021. godini, zahtjev i dopuna zahtjeva za preraspodjelu sredstava u okviru budžeta odobrenog za 2020. godinu, zahtjev za dodjelu nedostajućih sredstava iz Budžeta Kantona Sarajevo za 2021. godinu, bruto bilans Ministarstva unutrašnjih poslova Kantona Sarajevo – Uprava policije, za period 01.01.-31.12.2020. godine, obrasci godišnjeg obračuna Uprave policije za 2020. godinu, obrasci periodičnog izvještavanja za period 01.01.-31.12.2020. godine, bruto bilans za period 01.01.-31.12.2020. godine, obrazloženje izvršavanja Budžeta za period 01.01.-31.12.2020. godine, izjava o fiskalnoj odgovornosti i Prijedlog za imenovanje članova Komisije za implementaciju modula stalnih sredstava i modula potraživanja u Kantonu Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Postupao je i po zahtjevima drugih organa.

- i) U skladu sa svojim ovlastima, analizirao je potrebe Uprave policije za uposlenicima, te je u tom smislu intenzivirao aktivnosti na donošenju provedbenog propisa kojim se reguliše oblast zapošljavanja policijskih službenika, shodno Zakonu o policijskim službenicima, u početne činove (policajac i mlađi inspektor). Također, intenzivirao je aktivnosti na sačinjavanju prijedloga Pravilnika o sadržaju, načinu i rasporedu testiranja i sistema bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo, kao i aktivnosti na sačinjavanju prijedloga Uredbe o sadržaju, izgledu, dodjeli i oduzimanju činova policijskih službenika u Upravi policije Ministarstva unutrašnjih poslova Kantona Sarajevo. U cilju sačinjavanja što kvalitetnijeg prijedloga gore pomenutog Pravilnika, naložio je da se ostvari komunikacija sa predstavnicima Ministarstva za boračka pitanja Kantona Sarajevo u pogledu implementiranja odredbi Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo. Nadalje, naložio je da se ostvari komunikacija sa predstavnicima FASTO u pogledu koncipiranja vrsta disciplina i normi, koje će se primjenjivati za provođenje testa fizičke sposobnosti kandidata u okviru konkursne procedure za zapošljavanje policijskih službenika.
- j) U dijelu koji se odnosi na donošenje rješenja, i u dijelu koji se odnosi na normativne aktivnosti, kao i kod prethodne tačke, prezentirao je konkretne podatke o formiranju stručnih komisija i radnih tijela, a čija aktivnost je neophodna za realizaciju niza poslova i zadataka iz nadležnosti Uprave policije.
- k) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2021. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2021. godinu.

Naglasio je da zbog sprečavanja širenja pandemije korona virusom COVID-19, te naredbi, odluka i obavezujućih preporuka Kriznog štaba Ministarstva zdravstva Vlade Federacije Bosne i Hercegovine na sprječavanju širenja infekcije ovim virusom na području Federacije BiH, kao i odluka Kriznog štaba Ministarstva zdravstva Vlade Kantona Sarajevo, u navedenom izvještajnom periodu veliki broj planiranih aktivnosti, koje su trebale biti organizovane od strane Uprave policije ali i subjekata izvan Uprave policije, su odgođene do daljnjeg.

Na osnovu planiranih aktivnosti Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu dao je saglasnost za provođenje programa internog i eksternog stručnog usavršavanja policijskih službenika kroz koje je u periodu od 01.01. do 31.03.2021. godine prošlo ukupno **219** policijskih službenika i to: kroz program internog stručnog usavršavanja 82 policijska službenika i kroz program eksternog stručnog usavršavanja 137 policijska službenika.

Kada je u pitanju realizacija planskih i programskih aktivnosti naložio je pripremu posebnih planova i programa internih specijalističkih obuka za 2021. godinu i to:



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- Plan i program specijalističke obuke na temu istraživanje krivičnih djela počinjenih iz mržnje, prevencija i suzbijanje slučajeva nasilja u porodici i zaštita od nasilja u porodici;
- Plan i program specijalističke obuke za policijske službenike koji obavljaju poslove i zadatke istražitelja u odjeljenjima kriminalističke policije Sektora kriminalističke policije i Policijskim upravama od I - VII, Uprave policije Ministarstva unutrašnjih poslova Kantona Sarajevo, na temu "Unapređenje tehnike i vještine ispitivanja osumnjičenih osoba", koji će biti realizovani tokom 2021. godine.

Obezbjedio je profesionalnu licencu za pristup online Cisco webex platformi, čime je obezbjeđena i mogućnost korištenja informatičkog sistema za učenje online na daljinu.

U izvještajnom periodu je naložio online internu specijalističku obuku na temu "Sprečavanje mučenja i nečovječnog postupanja ili ponižavajućeg postupanja ili kažnjavanja prema osobama lišenim slobode", putem pristupa Cisco Webex platformi, za I i II grupu policijskih službenika Uprave policije, kroz koju su prošla 82 učesnika.

Nalagao je organizaciju i realizaciju programa eksternog stručnog usavršavanja sa subjektima izvan Uprave policije, kada su u pitanju nominacije policijskih službenika koji će učestvovati u specijalističkim obukama kroz program eksternog stručnog usavršavanja, a kroz koje je u izvještajnom periodu prošlo 137 policijskih službenika.

Naložio je učešće policijskih službenika u sljedećim obukama:

- Međunarodna obuka pod nazivom "Drug Trafficking Emerging Trends" ("Novi trendovi trgovine drogom");
- Edukacija policijskih službenika koji rade sa žrtvama nasilja u porodici radi poboljšanja kvaliteta usluga i podizanja nivoa zaštite žrtava nasilja u porodici na području Kantona Sarajevo;
- Pripremne aktivnosti i radni sastanak za učesnike Radionice koja se održala tokom mjeseca februara 2021. godine na temu "Izazovi u borbi protiv trgovine ljudima, uključujući prisilni rad, prosjačenje, rane brakove i druge oblike trgovine ljudima";
- Online radionica na temu dosadašnje realizacije aktivnosti u okviru projekta "Jačanje kapaciteta agencija za provedbu zakona u Bosni i Hercegovini u borbi protiv teškog i organizovanog kriminala i terorizma kroz unapređeno upravljanje kriminalističko obavještajnim saznanjima (ILP-Rad policije zasnovan na obavještajnim saznanjima)";
- Adekvatan odgovor krivično-pravnog sistema na incidente i krivična djela učinjena iz mržnje i krivična djela trgovine ljudima;
- Pravosuđe protiv korupcije u Bosni i Hercegovini;
- Pripremne aktivnosti za održavanje zajedničke antiterorističke vježbe;
- Pripremne aktivnosti radi organizacije i realizacije modula specijalističkih obuka za policijske službenike od strane Fakulteta za kriminalistiku, kriminologiju i sigurnosne studije Univerziteta u Sarajevu;
- Pripremne aktivnosti radi organizacije i realizacije specijalističke obuke za policijske službenike od strane Kantonalnog tužilaštva Kantona Sarajevo;
- Jačanje kapaciteta agencija za provedbu zakona u Bosni i Hercegovini u borbi protiv teškog i organizovanog kriminala i terorizma kroz unapređeno upravljanje kriminalističko obavještajnim saznanjima (ILP-Rad policije zasnovan na obavještajnim saznanjima).
- Online sesije na temu pripreme pilot verzije CTLP-a (lokalnih profila u kontekstu borbe protiv terorizma) u okviru projekta "Jačanje kapaciteta agencija za provedbu zakona u Bosni i Hercegovini u borbi protiv teškog i organizovanog kriminala i terorizma kroz unapređeno upravljanje kriminalističko obavještajnim saznanjima (ILP-Rad policije zasnovan na obavještajnim saznanjima)";



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210

Sarajevo, Reisa Džemaludina Čauševića 1



- Jačanje kapaciteta agencija za provedbu zakona u BiH u borbi protiv teškog i organizovanog kriminala i terorizma kroz unapređeno upravljanje krim. obavještajnim saznanjima, kojeg finansira Vlada Ujedinjenog Kraljevstva Velike Britanije i Sjeverne Irske preko Ambasade Velike Britanije u BiH.

U navedenom izvještajnom periodu, dao je saglasnost za učešće policijskih službenika Uprave policije u aktivnostima održavanja različitih modula i aktivnosti u organizaciji subjekata izvan Uprave policije, a čije učešće i rad u takvim modulima je smatrao realizacijom programa eskternog stručnog usavršavanja. Radi se o sljedećim aktivnostima:

- Okrugli sto na temu “Multisektorska saradnja u Kantonu Sarajevo - iskustva i izazovi epidemije” - Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo”;
- Prezentacija projekta “Policija i poštivanje ljudskih prava u BiH”;
- Konferencija na temu “Univerzalni periodični pregled (UPR) o stanju ljudskih prava u Bosni i Hercegovini”, panel 2 “Uloga civilnog društva u UPP procesu”;
- Regionalna obuka - Modul 1 - Pedagoško-instruktivni modul - borba protiv korupcije;
- Izazovi u borbi protiv trgovine ljudima, uključujući prisilni rad, prosjačenje, rane brakove i druge oblike trgovine ljudima;
- Nasilje u porodici u Bosni i Hercegovini u doba pandemije korona virusa;
- Radionica - Podizanje svijesti o rodno zasnovanom nasilju i seksualnom uznemiravanju na radnom mjestu;
- RPZ - poziv za ostvarivanje međusobne saradnje od strane JU "Srednja mašinska tehnička škola" Sarajevo u okviru školskog Plana prevencije maloljetničke delinkvencije. Navedenim školskim Planom, predviđene su teme i period realizacije istih, u koje bi bili uključeni policijski službenici Uprave policije i to radi: predavanja za učenike II razreda - tokom mjeseca marta 2021. godine, na temu "Prava i obaveze mladih i institucije zaštite - prevencija maloljetničkog prijestupništva" i predavanja za učenike III razreda - tokom mjeseca marta 2021. godine, na temu “Trgovina ljudima”. Realizacija planiranih predavanja je odgođena do daljnjeg zbog odluka i obavezujućih preporuka u vezi sa pandemijom COVID-19;
- Radni pripremni sastanaku u vezi problematike kontrole malog i lakog naoružanja u Bosni i Hercegovini, na kojem su uzeli učešće zamjenik direktora FUP-a, policijski komesari Uprava policije kantonalnih MUP-ova, pomoćnik ministra sigurnosti MS BiH, predstavnici UNDP-a u BiH. Pored ostalih, tema je bila i način osposobljavanja policijskih službenika u sprečavanju, identifikaciji i borbi protiv trgovine vatrenim oružjem, municijom i eksplozivom iz/kroz BiH;
- Implementacija projekta "Jačanje odgovora na nasilje u porodici tijekom i neposredno nakon COVID-19 krize u Bosni i Hercegovini", kojeg podržava ambasada Velike Britanije i organizuje multisektorsku radionicu na Zoom platformi. Radionica obuhvata okupljanje stručnjaka iz različitih institucija, odnosno predstavnika policije, pravosuđa, centara za socijalni rad, sigurnih kuća, a koji rade na predmetima nasilja u porodici. Cilj radionice je razmjena iskustava, te identificiranje mogućih načina prevazilaženja izazova u postupanju u predmetima nasilja u porodici tokom COVID-19 krize;
- Implementacija projekta “Aplikacija za anonimnu prijavu ilegalnih aktivnosti u šumarstvu uz pomoć građana” u sklopu USAID-ovog programa “Podrška građanima u borbi protiv korupcije”, radni sastanak.

- 1) U skladu sa odredbama Instrukcije o hitnom, tekućem, povremenom i statističkom izvještavanju Uprave policije Ministarstva unutrašnjih poslova Kantona Sarajevo, preduzimao je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210
 Sarajevo, Reisa Džemaludina Čauševića 1



osobnih podataka, kao i po dostignutom stepenu razvoja sistema zaštite tajnih podataka.

U cilju ispunjenja svih propisanih mjera i standarda za uspostavu sigurnosnog područja u objektu Ministarstva unutrašnjih poslova Kantona Sarajevo u sjedištu, a na zahtjev i uz preporuku Sektora za zaštitu tajnih podataka u Ministarstvu sigurnosti BiH, u toku izvještajnog perioda dostavio je ministru unutrašnjih poslova Kantona Sarajevo na nadležno donošenje Odluku o imenovanju sigurnosnog i opšteg administratora IKT sistema za obradu, pohranu i prijenos tajnih podataka u elektronskoj formi u Ministarstvu unutrašnjih poslova Kantona Sarajevo i Upravi policije.

Naložio je izradu dokumenta pod nazivom „Sigurnosne operativne procedure IKT sistema za obradu i pohranu tajnih podataka u elektronskoj formi, na čiju je radnu verziju Sektor za zaštitu tajnih podataka u Ministarstvu sigurnosti BiH dao svoju saglasnost, te su u toku aktivnosti na tehničkom usaglašavanju priloga (obraci i evidencije) navedenog dokumenta sa Sektorom informatike u Ministarstvu unutrašnjih poslova. Nakon konačnog usaglašavanja priloga, predmetni dokument će uputiti ministru na nadležno donošenje.

Nakon što su šest bivših policijskih službenika, kojima je prestao radni odnos u Upravi policije po osnovu donošenja konačne odluke nadležnog organa o postojanju sigurnosnih smetnji, podnijeli zahtjev za obnovu postupka po osnovu člana 246. stav (1) tačka 1. Zakona o upravnom postupku („Sl. novine Federacije BiH“ br. 2/98 i 48/99), iste je dostavio Komisiji za rješavanje žalbi u postupku sigurnosnog provjeravanja Vijeća ministara BiH, čija su rješenja konačna.

Nakon što je Općinski sud u Sarajevu, svojim aktom broj: 065-0-SU-21-000581 od 30.03.2021. godine, Upravu policije Ministarstva unutrašnjih poslova Kantona Sarajevo obavijestio da je ovaj sud potvrdio optužnice Kantonalnog tužilaštva Kantona Sarajevo, koje su podnesene protiv 17 policijskih službenika koji su lišeni slobode u okviru akcije kodnog naziva „Dar 1“, zbog postojanja osnovane sumnje da su isti izvršili više krivična djela propisanih odredbama Krivičnog zakona Federacije Bosne i Hercegovine, a koji su bili pritvoreni šest mjeseci, postupio je u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09) i dostavio potrebne podatke Sektoru za zaštitu tajnih podataka u Ministarstvu sigurnosti BiH, na nadležno postupanje.

U vezi sa postupanjem po presudi Kantonalnog suda u Sarajevu br. 65 361381 19 Rsž 5 od 02.11.2020. godine (po tužbi tužitelja S.K.) policijski komesar je informisao Nezavisni odbor da je dana 08.12.2020. godine Pravobranilaštvo Kantona Sarajevo dostavilo Upravi policije presudu Kantonalnog suda u Sarajevu, broj i datum gore navedeni, u pravnoj stvari po tužbi tužitelja S.K. Navedenom presudom se odbija žalba tuženih (Vlada Kantona Sarajevo, Ministarstvo unutrašnjih poslova Kantona Sarajevo, odnosno Policijski odbor Vlade Kantona Sarajevo) kao neosnovana i potvrđuje prvostepena presuda. Prvostepenom presudom Općinskog suda u Sarajevu broj: 65 0 Rs 361381 13 Rs od 15.09.2015. godine se usvaja zahtjev tužitelja S.K. te se poništavaju Lista kandidata prihvaćenih za proceduru unaprjeđenja prvotuženog broj: 02/PK-1-790/12 od 10.07.2012. godine, Konačna lista kandidata unaprijeđenih u čin inspektor i Lista kandidata isključenih iz procedure prvotuženog broj: 02/PK-1-914/12 od 09.08.2012. godine, Lista kandidata unaprijeđenih u čin inspektor prvotuženog broj: 02/PK-1-956/12 od 23.08.2012. godine, Rješenj Policijskog odbora broj: P/O-115/12 od 19.09.2012. godine, Konačna lista unaprijeđenih policijskih službenika u čin inspektor i policijskih službenika koji nisu unaprijeđeni u čin inspektor prvotuženog broj: 02/PK-1-1107/12 od 26.09.2012. godine, te se poništavaju sve pravne posljedice koje su navedene Liste i Rješenje proizvele i nalaže prvotuženom Vladi Kantona Sarajevo, Ministarstvu unutrašnjih poslova Kantona Sarajevo da ponovi postupak unapriedjenja u čin inspektor po Internom oglasu broj: 02/PK-1-672/12 od 08.06.2012. godine te da tuženi solidarno nadoknade tužitelju troškove postupka u iznosu od 1.684,80 KM, sve u roku od 15 dana.

U vezi sa naprijed navedenom presudom policijski komesar navodi da je preduzeo sljedeće aktivnosti:

10.12.2020. godine je upućen akt Pravobranilaštvu Kantona Sarajevo kojim se traži stručna pomoć i uputa na koji način da postupi Uprava policije po navedenim presudama. Također, o navedenoj presudi Nezavisni odbor je obavješten 11.12.2020. godine. Dana 17.12.2020. godine u vezi sa presudom održan je sastanak



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



predstavnik Uprave policije i Pravobranilaštva Kantona Sarajevo. Osim toga, 17.12.2020. godine pismeno je zatražena uputa za postupanje od Općinskog suda u Sarajevu, kao i od Kantonalnog suda u Sarajevu. U vezi sa traženim, predsjednik vijeća Kantonalnog suda u Sarajevu je aktom od 28.12.2020. godine obavijestio Upravu policije da ne mogu davati pravne savjete niti organizovati radne sastanke vezano za izvršenje sudske presude, dok Općinski sud u Sarajevu nije dostavio odgovor po pitanju navedene presude. Stav po pitanju izvršenja presude 21.12.2020. godine policijski komesar je tražio od Vlade Kantona Sarajevo, Pravobranilaštva Kantona Sarajevo, ministra Ministarstva unutrašnjih poslova BiH, Nezavisnog odbora i Ureda visokog predstavnika u BiH. Nakon što su advokati policijskih službenika na čiji radno-pravni status se odnosi ova presuda dostavili svoje predstavke iste su dostavljene Pravobranilaštvu Kantona Sarajevo 21.12.2020. godine. Pravobranilaštvo Kantona Sarajevo je odgovorilo dana 29.12.2020. godine u kojem je iznijelo da nisu nadležni da tumače sudske presude i upućuju Upravu policije na postupanje. Ustavni sud Bosne i Hercegovine je 22.12.2020. godine donio odluku o privremenoj mjeri kojom je naložio Općinskom sudu u Sarajevu da odloži izvršenje presude br. 65 0 Rs 361381 13 Rs od 15.09.2015. godine, do donošenja odluke o apelaciji. Obzirom da je pokrenuta revizija kod Vrhovnog suda Federacije Bosne i Hercegovine Ustvani sud Bosne i Hercegovine je odbacio apelaciju jer je ista preuranjena. Nakon što se advokat S.K. obratio Upravi policije 08.02.2021. godine i tražio od navedenog organa dobrovoljno izvršenje presude, Uprava policije je aktom od 09.02.2021. godine zatražila od Pravobranilaštva Kantona Sarajevo stručnu pomoć za postupanje. Dana 12.02.2021. godine Pravobranilaštvo Kantona Sarajevo je odgovorilo da bi upućivanjem vezano za postupanje po presudi izašlo iz okvira svoje nadležnosti te obavještava Upravu policije da su izjavili reviziju i apelaciju na odluku Kantonalnog suda. Nakon što su predlagatelji osiguranja (policijski službenici na čiji radno-pravni status se odnosi presuda) 12.02.2021. godine, zatražili određivanje mjere osiguranja, Pravobranilaštvo Kantona Sarajevo je po hitnom postupku dostavilo Upravi policije prijedlog na očitovanje. Navedenim prijedlogom se protivniku osiguranja zabranjuje da poduzima aktivnosti i donosi odluke kojima se predlagateljima osiguranja oduzimaju činovi „viši inspektor“. Uprava policije je dostavila traženo očitovanje dana 17.02.2021. godine i 08.03.2021. godine. U navedenim izjašnjenjima, Uprava policije odnosno policijski komesar navodi da je nezadovoljan presudom Općinskog suda u Sarajevu te su u tom smislu uložili reviziju kao vanredni pravni lijek te smatra opravdanim usvajanje mjere osiguranja koji su tražili predlagatelji osiguranja s ciljem zaustavljanja izvršenja navedene presude iz razloga što bi izvršenje iste imalo štetne posljedice po predlažaću osiguranja i njihova stečena prava. Istovremeno policijski komesar smatra da bi usvajanje predložene mjere privremeno spriječilo nastupanje štetnih posljedica. Isto odgovor Uprava policije je dostavila Pravobranilaštvu Kantona Sarajevo aktom od 08.03.2021. godine. Navedena mjera je usvojena od strane Općinskog suda u Sarajevu rješenjem br. 65 0 Rs 88922321Mo od 25.03.2021. godine te ostaje na snazi do nove odluke suda. Dana 08.03.2021. godine Uprava policije je uputila akt Vladi Kantona Sarajevo i ministru Ministarstva unutrašnjih poslova Kantona Sarajevo vezano za izvršenje pravosnažne sudske presude a dana 10.03.2021. godine Vrhovnom sudu Federacije Bosne i Hercegovine molbu za donošenje odluke po reviziji. Također, 10.03.2021. godine izvršena je uplata sredstava u korist tužitelja S.K. na ime dosuđenih troškova postupka. U mjesecu martu 2021. godine Uprava policije je zatražila od Ministarstva unutrašnjih poslova Kantona Sarajevo da dostavi prijedlog svojih predstavnika koji će biti članovi Radne grupe koja bi izvršila analizu dosadašnjih aktivnosti i predložila modalitete postupanja po konkretnoj presudi.

U izvještajnom periodu je Državnoj agenciji za istrage i zaštitu uputio zahtjev za vršenje sigurnosnih provjera za jednog uposlenika, dok je Obavještajno-sigurnosnoj agenciji BiH uputio zahtjev za vršenje proširene sigurnosne provjere za devet uposlenika Uprave policije.

Pokrenuo je interni postupak za vršenje sigurnosnih provjera za 11 uposlenika (popunjavanje upitnika).

Donio je šest rješenja o nepostojanju sigurnosnih smetnji za uposlenike Uprave policije, četiri rješenja o nepostojanju sigurnosne smetnje za kandidate koji su po osnovu Javnog konkursa odabrani za prijem u radni odnos u Upravu policije i jedno rješenje o postojanju sigurnosne smetnje za jednog uposlenika Uprave policije.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



Kontinuirano je nadzirao provođenje aktivnosti iz oblasti zaštite tajnih podataka, u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09) i na osnovu istog donesenih provedbenih propisa, odnosno vršenja sigurnosnih provjera uposlenika, donošenja potrebnih rješenja o postojanju/nepostojanju sigurnosnih smetnji, razmjenjivanja službene dokumentacije s nadležnim državnim organima (policijske agencije, sudovi, pravobranilaštvo), te ažuriranja posebnog dijela personalnih dosijea u vezi sa sigurnosnim provjerama.

- m) Naložio je nadležnom odjeljenju Uprave policije raspisivanje i obustavljanje centralnih potjernica po naredbi nadležnih sudova, tako da je u izvještajnom periodu raspisano 13, a obustavljeno 18 centralnih potjernica, uz napomenu da su u tom periodu raspisivane i oglasavane i različite potrage operativnog karaktera.
- n) Redovno je učestvovao na sastancima Koordinacije direktora Federalne uprave policije i policijskih komesara kantonalnih ministarstava unutrašnjih poslova (navedeno pod tačkom a) ovog izvještaja), uzimao aktivno učešće i davao određene prijedloge na unapređenju saradnje između policijskih agencija na rješavanju sigurnosnih izazova i prijetnji (npr. migranti, turisti i sl.).
- o) Pod tačkom b) ovog izvještaja konstatovao je da je imao odličnu saradnju sa ministrom, sa kojim je svakodnevno ostvarivao kontakte, informisao ga i izvještavao o ukupnom stanju sigurnosti i o konkretnim događajima, a u skladu sa odredbama posebnog propisa.
- p) Nastavljena je saradnja sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuja u vezi sa stanjem javnog reda, kriminaliteta i sigurnosti saobraćaja na području Kantona Sarajevo.

OSTALE AKTIVNOSTI:

Kada je u pitanju borba protiv korupcije, a što je i dalje jedan od prioriteta rada Uprave policije, naložio je nastavljjanje aktivnosti na borbi protiv korupcije unutar Ministarstva unutrašnjih poslova Kantona Sarajevo.

Konstantno je nadzirao i animirao rad odjeljenja u Sektoru kriminalističke policije koja su nadležna za rasvjetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata i narkomanije, te direktno ili preko načelnika Sektora kriminalističke policije koordinirao njihovim aktivnostima, kojom prilikom je u izvještajnom periodu rasvjetljen veći broj vrlo složenih krivičnih djela.

Dao je saglasnost za nastavljjanje aktivnosti u provođenju akcije kodnog naziva “FENIKS”, koju policijski službenici Uprave policije provode u saradnji sa službenicima Federalne uprave policije.

Akcent rada je usmjerio i na borbu protiv zloupoteba opojnih droga, te je u tom pravcu podsticao i pratio zakonitost rada Odjeljenja za borbu protiv zloupotreba opojnih droga, te je u tom smislu naložio provođenje 15 operativnih akcija različitih kodnih naziva od kojih se posebno izdvajaju akcije kodnih naziva “MINI”, “BLAŽUJ 21”, “DINO”, “ZIMA 21”, “ZLAJA”, “SEMA” i “CUCAK”, “IRAK”, “FARE”, “CILE” I “FENIKS”, pri čemu su nadležnom tužilaštvu podnešena 52 izvještaja o izvršenim krivičnim djelima protiv 55 lica za koja postoje osnovi sumnje da su izvršili krivična djela i iz člana 238. KZ F BiH (neovlaštena proizvodnja i stavljanje u promet opojnih droga) i člana 239. KZ F BiH (posjedovanje i omogućavanje uživanja opojnih droga). Navedene akcije su rezultirale većom zapljenom narkotičkih sredstava i određenog broja komada vatrenog oružja, koja su dokaz u krivičnim postupcima. Izvršioći navedenih krivičnih djela



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



lišeni su slobode i predati u nadležnost Kantonalnom tužilaštvu Kantona Sarajevo.

Poseban segment u njegovom radu predstavlja svakodnevno iniciranje, planiranje i realizacija mjera na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje. U tom smislu je naložio postupanje i koordiniranje aktivnosti po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim su planirane mjere i radnje koje su ove dvije službe zajednički preduzimale s ciljem pokušaja sprječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo, naročito u kontekstu sprječavanja širenja zaraze prouzrokovane virusom COVID 19, kao i s ciljem preventivnog djelovanja radi smanjenja broja krivičnih djela izvršenih od strane pripadnika migrantske populacije.

Aktivno je usmjeravao rad Operativnog tima za pitanje migranata u rješavanju problematike po pitanju migranata na području Kantona Sarajevo, tako što je nalogao vršenje kontrole migranata, pri čemu su policijski službenici Uprave policije MUP-a Kantona Sarajevo izvršili kontrolu ukupno 563 migranta od čega je 298 migranata preveženo i smješteno u prihvatne centre "Ušivak" i "Blažuj".

Koordinirao je provođenje mjera po osnovu Operativnog plana Uprave policije broj 02/2-112-3/20 od 27.11.2020. godine, te planova mjesno nadležnih organizacionih jedinica, kojom prilikom su policijski službenici Uprave policije, u saradnji sa službenicima Ministarstva sigurnosti Bosne i Hercegovine, Međunarodne organizacije za migracije (IOM) i nadležnih inspeksijskih uprava, proveli deset (10) akcija u cilju pronalaska i smještaja migranata u privremene prihvatne centre "Ušivak" i "Blažuj". Tom prilikom pronađeno je i smješteno ukupno stotintridesetdevet (139) migranata.

Koordinirao je provođenje akcije policijskih službenika Uprave policije MUP-a Kantona Sarajevo, uz asistenciju Službe za poslove sa strancima BiH, Ministarstva sigurnosti BiH, a po naredbi Općinskog suda u Sarajevu, kojom prilikom je izvršen pretres privremenog prihvatnog centra „Blažuj”, te je pronađeno 17 lica za koje su postojali podaci da su počinili krivičnih djela u Bosni i Hercegovini i zemljama u okruženju. Navedena lica su predata u nadležnost Službe za poslove sa strancima BiH, nakon čega su isti prebačeni u imigracioni centar i biće im izrečena mjera protjerivanja u zemlje porijekla.

Nadzirao je i koordinirao aktivnosti na rasvjetljavanju krivičnih djela u kojima su učestvovali migranti, kojom prilikom su policijski službenici Uprave policije lišili slobode 22 migranta od čega je njih 18, uz izvještaj o počinjenom krivičnom djelu, predata u nadležnost Kantonalnog tužilaštva Kantona Sarajevo. Za jednim migrantom, državljaninom Pakistana, zbog postojanja osnova sumnje da je počinio krivično djelo iz člana 166/28. KZ F BiH "Ubistvo u pokušaju", raspisana je potraga.

Poduzeo je sve potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, kao što je posjeta Predsjednika Slovenije gosp. Boris Pahor i Ministra vanjskih poslova Italije gosp. Luigi di Maio, a u periodu od 22.03.2021 godine do 28.03.2021 godine boravak i odigravanje fudbalske utakmice reprezentacije Kostarike i 31.03.2021 godine odigravanje međunarodne fudbalske utakmice između reprezentacija BiH i Francuske. Navedeni događaji su protekli bez narušavanja javnog reda i mira, ili bilo kakvih drugih incidenata.

Koordinirao je aktivnosti Sektora uniformisane policije sa drugim policijskim agencijama i pravosudnim organima na provođenju mjera i radnji bitnih u kontekstu pandemije izazvane koronavirusom (COVID - 19). U tom smislu je, po ovoj problematici, uputio ukupno 29 akata, 44 depeše i 321 e-mail organizacionim jedinicama Uprave policije, drugim policijskim agencijama u BiH, te Federalnoj i Kantonalnoj upravi za inspeksijske poslove.

U periodu od 01.01.2021 godine do 31.03.2021. godine nadzirao je i koordinirao aktivnosti policijskih uprava, po pitanju izdatih rješenja od strane Federalne i Kantonalne uprave za inspeksijske poslove, kojom



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



prilikom je dao saglasnost policijskim službenicima Uprave policije da u 46 navrata pruže asistencije-pomoći pri inspekcijskim nadzorima na poštivanju higijensko-epidemioloških mjera ugostiteljskih objekata i pri kontroli javnog gradskog saobraćaja.

Nadzirao je i kontrolisao provođenje aktivnosti predviđenih Kriznim planom pripravnosti Uprave policije broj 03/2-2997 od 06.07.2020. godine, kojim se, usljed pogoršane zdravstveno-epidemiološke situacije izazvane pandemijom virusa COVID 19, uspostavlja koordinirano i plansko djelovanje svih ljudskih i materijalno-tehničkih sredstava s ciljem stvaranja uslova za efikasnije provođenje higijensko epidemioloških mjera, kao i mjera predostrožnosti.

Tokom izvještajnog perioda na teren je uputio ukupno 191 depešu (instruktivne depeše, depeše nalagujećeg karaktera i sl) i ukupno 97 akata.

U izvještajnom periodu 380 uposlenika MUP-a Kantona Sarajevo se nalazilo u izolaciji zbog kontakta sa zaraženom osobom ili su oboljeli od coronavirusa.

Kroz kontakte sa rukovodiocem Jedinice za profesionalne standarde, stvarao je uslove za nesmetan i nezavisan rad na provođenju unutrašnjih istraga.

U izvještajnom periodu okončano je 49 unutrašnjih istraga u okviru kojih je za tri policijska službenika utvrđen osnov sumnje da su počinili lakše povrede službene dužnosti. Nakon uvida i detaljne analize izvještaja o sprovedenim unutrašnjim istragama, dao je saglasnost za izradu rješenja o sankcijama za lakše povrede službene dužnosti.

Koordinirajući i usmjeravajući rad mjesno i stvarno nadležnih organizacionih jedinica u Upravi policije, osiguravao je zakonit i profesionalan policijski odgovor na sve događaje koji mogu imati bilo kakve implikacije na sigurnost, te je, na taj način, davao doprinos poboljšanju sigurnosne situacije na području Kantona Sarajevo.

Postupao je po zahtjevima dostavljenim od strane Komisije za sigurnost Skupštine Kantona Sarajevo i Nezavisnog odbora, a o značajnim događajima od posebnog interesa za sigurnost građana Kantona Sarajevo, na dnevnoj osnovi je izvještavao ministra.

Sve navedene aktivnosti provodio je s ciljem demokratizacije rada policije, zaštite ljudskih prava i sloboda građana koji žive, borave i kreću se na području Kantona Sarajeva i postizanja što većeg nivoa sigurnosti građana i posjetilaca Kantona Sarajevo.

Sarajevo, 29.05.2021. godine

PREDSJEDNIK NEZAVISNOG ODBORA

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1

